

BREVIS
DE PESTI-
LENTIÆ MOR-
BO CONSO-
LATIO,

*In vsum eorum, qui Dei imperium recusant,
& ad malum hoc, grauioribus se curis & querelis
onerant, recens, ac populariter conscripta,*

Per Iacobum Brassicanum Cool,
Roterodamum.



LVGDVNI BATAVORVM,
Ex officina Ioannis Paetsij.

Anno clō. Io. LXXXIV.

*Chariss. Cognato, Eموالدو Graswinckel I. Brass. maior
Annunculus, in munusculo amoris*

Seneca lib. 18. Epist. cap. cvii:

Imperetur aequitas animo, & sine querela mortali-
tatis tributa pendamus. Hyems frigora addu-
cit, algendum est. Aestas calores refert, aestuandum
est. Intemperies cœli valetudinem tentat, agrotan-
dum est. Et fera nobis aliquo loco occurret, & homo
perniciosior feris omnibus. Alium aqua, alium ignis
eripiet. Hanc rerum conditionem mutare non possu-
mus: Id possumus, magnum sumere animum, & vi-
ro bono dignum, quo fortiter fortuita patiamur, &
natura consentiamus.

Idem.

Optimum est pati quod emendare non possis, &
Deū, quo auctore cuncta proveniunt, sine murmu-
ratione comitari.

AMPLISSIMO³

SENATVI, P. Q. TAM

GOVDANO, QVAM

ROTTERODAMO,

Iacobus Brassicanus Cool,

Roterodamus, S. D. P.

CVM ad integritatem & mentis
rationem perfectam, quæ æter-
num nomē decusque procurat, homi-
num animos adeo nihil accendit, Vi-
ri Amplissimi, quam gloria & merces
rerum bene gestarū, penitusq; in om-
ni sensu implicata insidet boni imita-
tio, vt egregia quælibet aliorū exem-
pla, quosdam sequi nō solum, verum
etiam diligenter transcēdere, sæpe ea-
dem & superare animaduertamus, at-
que hæc æmulatio ex virtute proficif-
itur (vnde Reipub. ingens emolumē-

A ij tum

tum accedit) quo paulatim iterū humanitatis studia efflorescerent (quæ temporis diuturnitate extincta videbantur) nihil prius cœpi cōsiliij, quam si indoctus scribēdo, doctiores ad tale capeſſendum opus prouocarē, quod non minus patriæ quam huic municipio profuturum eſſet, & orationis elegantia, & materiæ vel inuentionis grauitate præcelleret. Nā cum doctiſſimorum facile princeps omnium virorū Erasmus Roterodamus, & Guilielmus Goudanus, pari ingenio, pari pietate percelebris, ac tantus, vt merito auræus à quouis dici poſſit, ambo Patriæ tantum decoris ſua eruditione attulerint, vt ob hoc ipſum, in oculis exterarum gentium, ex omnibus mirabilibus huius Prouincię ciuitatibus, his duabus, nulla ſit laudabilior, poſt tanta temporum ſpatia (quibus nunquam

quam egregiè aliquis studuit, nominis eorum famam ampliare, & vt tam laudabile vtrique cōseruemus nomē) nonne iam opus est (etsi quamplurima, communis Patrię calamitas, ingenia suppressit) tamen oriri, qui Penates istos, per quos habemus sciētiā, per quos vitę, morumque integritatē possidemus (quippe quando imitari non datur) saltem referre aliquo modo videbuntur? Hanc ego mecum rationē reputans, dum eruditorum tanta nunc, quanta nunquam alias, copia elucet, quibus summa rationis vis inest, & domi mens insigniter viget, adhęc ne modo nominatissimorum illorum virorum fragrantia mella non redolere, & vt in Serypho ranę, ita hic mutas hodie Musas, quis aduersarius diceret (quę animaduersio, in nobis summa ignominia esset) in hoc ego

statui laborare, vt a Patria mihi longè
charissima, & a Municipio sic mihi
charo, vt nihil sit charius (in quod hu-
maniter a vobis receptus sum) tantum
dedecus auerterem. Igitur dato nego-
tio mihi hoc feci opusculum, vt tota
doctissimorum virorū prouolet me-
cum acies: Quod mihi dispicienti cui
potissimum dedicarem; & Patria sese
obtulit, quæ vt me a paruulo educa-
set, in aures dicebat, hic enim dilectis-
simus parens, Gerardus Cool, Ampli-
tud. v^a sat cognit⁹, nuper vita functus,
iacet: hic Cornelius Fabius, egregius
in docendo artifex superstes, qui me
primus, primis literarū elementis im-
buit, & Gouda, æquè mihi ac Patria
accepta, prædulcis solo, totaq; Repub.
legibus, moribus, ac institutis maio-
rum excedens, è qua hic foetus tanquā
fundo ita foecundo prouenit, cuiusq;
iam

iam factus sum particeps municipij. Quibus dum omnia, quæ in me sunt, debere existimabam, non tam Patriæ, quæ amplissimum in me habet ius, quam vobis pariter, in eo authoritatē prærogatiuæ non secutus, magna animi cum beneuolētia, laborum meorum primitias offero. Vos autem, Viri Amplissimi, præcor omnes, quando hæc beneuole fiunt, amicè accipiatis, & si in aliquo casu me fortuna affligit, tutari cōseruareque cupiatis. Goudæ, Sept. Calend. Ianuarij, Anno salutis humanæ, Millesimo, Quingentesimo, Octuagesimo tertio.

*Amplitudini vestræ deditissimus
Conciuis Jacobus Bras-
sicanus Cool.*

Ad Lectorem.

Etsi, Candide Lector, bene illo prouer-
 bio Græcorum præcipitur, Ερδοι τις ἡμῶν
 ἐκαστος αὐτὸν τὸν ἑαυτοῦ, admonens ut qua-
 rum rerum usum & experientiam accepimus,
 in his agitandis solum versemur, tamen, non
 quod Oratoriam illam vim mihi vindicē, aut
 tātam de me habeam opinionem, ut eam imi-
 tari possim, sed rudis Doctiores ad scribēdum
 non modo non retraherem, verumetiam inui-
 tarem & allicerem (quanquā sum studijs sem-
 per impensē delectatus) hanc describere mate-
 riam aggredior. Et quod ad hoc nostrum insti-
 tutum pertinet, fusius enarrabo. Cum propter
 inamena patriæ dissidia, ad vigesimum ætatis
 annum, humanitatis studia reliquissē, ex vi-
 rorum doctissimorum regula, vitæ mihi sta-
 tum delegi, videlicet coniugio uxorem stabili
 propriamque accepi. In quo dum huc usq; ver-
 sor, repetendorum studiorum desiderio sic ex-
 arsi, ut si rerum mearum fuisset passus ordo,
 iisdem totum me dare voluissē. Sed cum in-
 terpellantes negotiorum turbæ sæpe, ad studia
 volentem accedere præpedirent, nihilominus
 hoc egi, ut quoties à cura & à re familiari, pro-
 curan-

curandoque cultu liberorum meorum, aliquantum dabatur otij, ea omnia succisina & secundaria tempora, furto surriperẽ ac calamo tenerem. Porro cum familiaribus aliquot meis, libelli huius de pestilentia consolatione, fecissem copiam, studiose enixi, ut typis excudendum traderem, è quibus literarum amantiſſimus, Theodoricus Soubbourgus, patritius, nec non consularis vir, instigator precipuus est. Quorum postulatio mentem adeo commovebat, ut eorum fides mihi tunc suspecta esset, videlicet, cum de eis ambigetur, merito dubitare possum, beneuolorum an maleuolorum hoc sit argumentum. Nam quod isti conantur ab omnibus visendum, me quasi in Scenam protrudere, indigne tuli, præsertim testis ipse mihi sim, quam parum in re literaria valeam. Sed postquam instabant, ut illa pergerem via, & rem me dignam & sibi gratam dicerent facturum, tandem amicitia mutue concessi. Quamobrem, è meis lucubratiunculis, siquid palato non sapit, rogo ut importunitatem amicorum spectes, quæ non seruata personæ ratione, nec perspecta satis negotiorum meorum turba, maturare ac edere in lucem compulſit minus castigata, unde incauto plectar ab inge-

ingenio. Quanquam etiam gratum erit, si quid cum modestia reprehendi audiam: neque hoc ex volatu, pastu, aut Cantu animum, sed ex ea qua in me est, rei literariae imperitia, futurum diuino. Quod si vero Zoilus in me maledicta feret, nihil moror mordacem. Notum est, tritum illud: Non cuius homini contingit adire Corinthum, tum etiam plena amenitate nea mora, cuiuscunque generis auiculas cantillantes excipere. Vale, Candide Lector.

BRE-

B R E V I S

DE PESTILEN- TIAE MORBO CONSOLATIO.

*In usum eorum qui Dei imperium recu-
sant, & ad malum hoc, grauioribus secu-
ris & querelis onerant, recens, ac
populariter conscripta,*

*Per Jacobum Brassicanum Cool,
Roterodamum.*

Quemadmodum cōsueuere duces,
quoties præsens aliquod pericu-
lum hortatur, Oratione quadā sua
militum animos in prælum excitare : Sic
mihi pestilētiæ consolationem dicturo fa-
cto opus arbitror, vtinam tam industrio
quam cupienti, aliqua ex parte populi sol-
licitudines alleuare, quas eiusdem introitu
animo & mente concipit. Itaque cum cer-
tum populus habet, mortem vitę suę mul-
tifariam insidiari, ac imprimis pestilētiā
nullo

nullo non in loco grauissimam numerat, qua dere non secus tristem video, quam si ab hoste obsito, desperata salus esset (cum præfatus fuero, quæ arbitror ad rei progressum maximè pertinere) illi animū tum releuabo, qui pene dolore & miseria tabescit. videlicet dicendo (si Disciplinarum Deo placet) leuāmentum adferam, quod si non omnino dolorē franget, saltem (si qua subeunda cum pestilētia dimicatio erit) populi animum eriget & confirmabit. Et recte pestilentiam hosti fatali comparem. Nam sicut ille cruentato gladio persequitur victos, ita ab vno in alterū deriuat hoc malū, suoque contagio multos perdit. Et sicut acie Ordinibusque alarū dispositis, quorū a Marte definitus est numerus, fit strages: ita quos Deus ferire constituit, pestilentia, corruunt. Atque vt pugnātium nemo, antequam exercitus ad receptum secessit, finisque certaminis est, dubium prælij euentum superasse intelligitur, sic quamdiu hæc existit, vita cuius dubia & incerta est. Et veluti istis nihil miseriū, qui iniquo loco positi, etiam vana formidine periculum suum adaugent, ita pestilentia morbo per urbem grassante,

grassante, inhabitantium alij magis deplorati non sunt, quam qui effusè cōcepto timore animum perturbant. Porro vt videmus sæpe feliciter, Martis aleam ijs cadere, qui se ad suū munus pensumque reuocāt, ita nulli hunc morbum facilius cuitant, ac meliori conditione fruuntur, quam qui existunt intrepidi, euentumque in sorte collocant. Adeo hæc dissimilia non sunt, quin si conferas, horum tibi vna esse causa videbitur. Nam si dicas miserabiles casus accidere in prælio, videlicet, fratrem volatili spiculo a fratre auelli, Coætaneum à Coætaneo, amicū ab amico, alium in aciei fronte perire, alium inter globos cadere, vt quemque fors vult interire; Haud longè etiam disparem, pestilentia, communis omnium inimica, adfert fortunam; scilicet videmus quoties mulier lactās a paruulo, maritus a coniuge, sponsus a despōsata, Socer a genero, frater a fratre, Coætaneus à Coætaneo, amicus ab amico, nullo discrimine tū separentur. Sed dicet aliquis, cū me videbit exponere par periculū in pestilentia morbo atque prælio esse, mirari non debes, si aliquos forte, rei insolentia exanimat, præsertim in acie

acie stātes, vniuersim, presentianimo haud
sint. Ideo nempe perquam similia esse iu-
dico. Nam me istos reprehēdere, qui se cru-
ciant morbi malitia, vt consolatione qua-
dam amentiam eorum dissipem. Quod si
considerabit quis; me imperatoris more
facere dicet, vt quatenus exercitus, ciuita-
tisque pestilentia laborantis, fortunam esse
eandem, satis probatum non est, saltem ex
hoc colligatur. Sicut enim exercitus, ex
fortibus & ignauis constat, ac proinde im-
perator verba factururus, magis hos quam il-
los, sua oratione instruit; Sic ego iudicans
in Ciuitatis corpore, per quod dirum hoc
serpit contagium, vtrosque esse, & fidentes
satis, & metu nimium perculsos, posterioris
magis quam prioris generis, ad mentis so-
brietatem exhortor. Nam sicut duces igna-
uos, sic ego hoc malum pauētes improbo,
vt ad fungēdum probē officio, ob oculos,
tanquam Archetypum illos habeam. Si-
quidem cum in simillimo statu exercitus,
ciuitatisque huiusmodi, res, posita est, si-
milibus rationibus leuantur. Etenim siue
dicās decertantibus aut cito mortem, aut
lætā victoriam contingere, ego quoque pesti-

pestilētia correptos, aut cito interire dixerō, aut conualescere. Siue autem fortissimos in bello Martem oppignerare, Iuvenes quoque fortissimos rapi a pestilentia affirmen. Quare non minus hæc, plebis copiosa multitudini, quam illa, innumero exercitui, exhortatio utilis & necessaria est. Nisi forte nostrum aliquis iudicet, rem minoris esse periculi, cum hoste ex insidijs clandestino surgente, quam aperte arma sumēte congredi, & non iustissimè timere eos qui spiritu, animique robore, ac telis, hostibus longè se inferiores vident. Nam si militibus perterritis, in pugnæ momēto, Imperatoris ad virtutem incendens exhortatio, recte facta ac maximè esse necessaria, ab equo iudicabitur, qui quidē procinctos aduersus procinctos, instructos aduersus instructos, paritelorum genere, pari exercitatione, parique consuetudine, per campū medium ad certamen ducit: Cur non & ijs æque consolationis solatiū præstandum, Cur, inquam, non verbis eorum quoque euandus dolor, quorum tergora ab hostibus circumuenta? Quos exercitus nulla instructio, nulla dexteritas, nullus vsus, denique

que, nullum iuuat telū in hostem intēsum?
Nam ex serie Cyclopum adolescens sit aliquis, firmissimis lateribus, incredibili virtute, magno accinctus gladio, tum omnia tentet, hic idem dices, pestilentiaē rabiosæ triangulum, noxium, ac infestum istud spiculū, suo robore euadet? Digne ergo pestilentiaē quum admouētur faces, præter modum, plerique exterrentur, Rectè, sed tanto libentius admonendi a me sunt, quanto illis est terroris equior causa; que admodum Imperatores plus operæ & curæ orationi suæ impendunt, si quod milites animo consternari, ex iusta magis quam iniusta occasione, oriri apparet. Scilicet nostri instituti summa non est, vrbi pestilentia minante, in ingentem metum illapsos, tanquā imbelles & timidos carpere (est enim cur timeant ratio, pestilentia, eiusdemque contagium) sed ne eiusmodi sensuum stoliditate animo abiecti, in impietatem prolabantur, mature castigatione quadā verborum placida, & tranquilla, efficere. Nam cum oppidorū incolas, vna & communis pestis detinet, illi autem ipsi plus equo tum contremiscunt, quam obrem hac laborantes

tes deuitare, & commercijs interdicere aspiciã, neque etiam obuianes sæpe necessarios sistere, neque sui desiderio flagrantem ausos inuifere (quod est nature legi contrarium) volui opportuno docere tempore, quo pacto vti animi motibus norint, dum nec modum nec Ordinem seruantes, hac in re honestatem & decus amittunt. Remque antea facturus fuisset, quicumque de pestilentia morbo consolationem composuisset, qua vulgi opinio veluti in chamo duceretur. Sane vulgus præterquam nihil recte sapit, imprimis fallitur, quando circa hoc, officium quod sit, ignorat. Quod si autem haberet regulam quam imitaretur, neque in proximos inhumanum esset, dū nos mutuo natura ita diligere iubet, vt vix vlla de causa deferere inuicem possimus, neque in semetipsum vindex exstaret dum mentis suæ cogitationes, assidua & vana moriendi formidine, torquet. Quis enim vir bonus ferat hominem ab homine, nedum Christianū a Christiano negligi pestilentia morbo grauatum? Aut potius eos stultos esse non arbitrabitur, quos pestilentia timore semiuiuos, falsa quædā morien-

di sollicitudo excruciat, presertim non ignorantes & se mortales esse, & vt prolongetur ipsis dies mortis, metum nihil proficere? Quod si metū nihil amplius in se habere fatendum, quam periculi augmenta, doloris autem accretiones non diminutiones, meliori consilio sententiam eis permutare suadeo. Et quid tantopere mortem horrent, (ad vos me conuerto boni viri) quā semper summe concupistis, quia non mala per se, sed bona est, nempe animum corpore laxatum tanquam ex ergastulo liberatum, ad vitam multo foelicissimā trahit? Quæ si animo comprehendere grauabuntur, quid se facturos dicent, si improviso mors opprimat? Num detrectabūt mortis certamen? Atqui non potius, si mori debebunt, secum animo expendunt, cuique & vitæ & lethi suum diem stare, sed nemini tamen esse a natura præfinitū, ne recordatio mortis assidua, humane mentis statum perturbaret, neue dierum certa quædā assignatio, mortalis vitæ temeritatem, confidentia insuper alia augeret. Iam quid est, cur ad nomen pestilentiae tantopere expauescimus? Cur fugimus pestilētia laboran-

tem

tem propinquū, scilicet, nobis non solum consanguinitate coniuncto, misericordiā denegamus, sed etiam ipse naturæ, atque adeo necessitati inferimus magnam vim & iniuriam? Eapropter amicum re non iu- uamus, vt persimili calamitate pressi, alte- rius (quod nos subleuet) ob scquium desi- deremus? Nam & ratio & natura suadet, quod nobis fieri non volumus, hoc ne alijs faciamus. Ideo amicos negligimus quia isti hodie occidūt, nobis vero Crastino instat vitæ dispendium? Ideo inquam, tanquam non visu faciles, nos præterlata est mors? Si id cupimus, minus videmus, consulimus parum. Nos vt tantillum temporis spatium viuere possimus, calamitosam vitam pro beata, temporaneam pro æterna, agrestem pro vera commutare grauabimur? Hæc & similia censere æquum esset, si Christianorū magis quam hominum impiorum valeret apud nos authoritas. Si quidem Christiano cui mors terribilis est, ita vita hæc suauiis nō est, quin adferendā mortem animum edo- centi, mortis recordatio sit iocunda. Sed ille quidē nulla alia de causa magis tristes sunt, quam quod vitæ suæ agi periculū tum

videant, rerumque desiderio pessimarum adhuc flagrent. Alioqui, si quarum rerum delectationē in vita consecuti sunt, earundem priuationem non timerent, magno, obcundæ mortis diem, gaudio exciperent. Nam præsentium bonorum facilè eos satietas caperet, quæ neque bona existimanda, neque ad fœlicitatem, hominem sunt perducentia, sed spurcaintusque sordida, tantumque bonorum forma extrinsecus velata, possessoribus suis prosperitatē mentiuntur. Quamobrem temporibus pestilentia, quonam pacto homines erga homines se gerere debent, docebimus, maximeque decenscrit, si Ordinem & modum præscribam, vt intelligant pestilentia contagiosæ causa ius naturæ violare, inhumanum ac multum indecēs esse; Leniter vero timere morbi insolentiam, hominis esse cum prudentis, tum integri, stulti autem inaniter perturbari. Quæ dum breuiter exposita sunt, ab præcipuam operis partem nos accingemus.

ALTE-

ALTERA PARS.

ESt omnino vix consolabilis in multis dolor, tantus est pestilentie contagioſe metus. O miſeros, qui tantopere formidant, cū in eos impetu ſuo peſtilentia ruit. Quid vos iſthæc res perturbat? quia tū cōfinis mors eſt, villāque habet veſtræ contiguā vel vicinā? An morbus in cauſa eſt extraordinarius, ſupra quam horret humana natura, cogitationē mortis adaugēs? Ridiculum ſi hoc eſt. Etenim tota Chriſtianorū vita commentatio mortis eſt. Veniet tēpus & quidem celeriter, ait Cicero, ſiue retardabis, ſiue properabis, volat enim ætas. At ſeuieſ eſt morbus hominumq; nulli parcēs. Si ad hoc vos humani generis charitas quædam trahit, eſt quod laudem; nihil eſt magis, quam humana incommoda miſerari. Sin veſtri tantum, eſt quod arguā: nam quid peſtis nocitura mortali, niſi vt facias, quod facturus es. Moriēdum eſt ſemel, ea nature lex, tandemque omnes hoc vectigal pendemus. Peſtilentia, eſt morbus contagioſus, ab acris infectione proficiſcens, quo Deus hominum cupiditates, &

vitia, corrigere & emendare solet. Dirum sane contagium, nec non summopere horrendum, nempe, vehemens est & quos inuasit cito interimens, sed ea mente a Deo datū, vt propria scelera in nos nostrosque expiet. Quanquā non ita dirum ac noxiū, quam multū animo nostro cōferens. Quid enim Deus, ad hoc pestilentia morbū mittit vt simul omnes intereāt? an vero terret hoc modo ac reuocat homines ab impietate? Hoc Dei consilium est, quo nos ad se attrahit virtutisque comites simus, depresso omni vitio. Et veluti hostis ariete, mœnia, ita ille præfractum hominis cor pestilentia quatit. Hæc sola causa est cur pestilens virus auræ incutit. Castigatio hæc & animaduersio cōtumelia vacat; non enim hic rabie vel ira motus sed amore dilectioneque castigans est. Nō valet in Deo odiū, nec iratus nec inimicus facit, sed peccati scelerisque nostri vltor est. Pro peccato magno parum supplicij huic est satis, nec pœnas ampliat, nisi ad peccatorum mensurā maior cumulus accesserit. At si bellū peccato indiximus, cōfestim misericordiā denuntiat ad vindicādum non ita promptus

tus quam ad saluandum paratus. Ille enim est Dominus Deus noster misericors & cō-miserans. Sic, ille nos diligit, vt quiduis nō tentet, quo faciles & ad sequendum aptos faciat, quocunq; nos traxerit. Eousq; flagellum continet quousq; flagitium vetat. Sed & antequā punit ad mentis sobrietatē prouocat singulari quadā bonitate. Obseruanti suam legē ingentia promittit, at dissoluenti, graues super, superque angustias comminatur, tantaque imprimis excellit charitate, vt humanę salutis amantem quilibet dicturus est, nedum erga humanum genus immitem esse, aut plagas excogitare libenter, quibus excruciet. Enimuero omnes expēdit modos, quo a se dilecti, in uiuido pectore, vegetā mētē, ingeniūque vegetum gerāt. Quare veluti pater crustulis filios, ita nos blanditijs inuitat; in immorigeres antequam animaduertit, minis tantum crepat. Terret verbis quidem non fallentibus, si nec sic obedierint, & si deinde castigandos ducit, leuiore procedit aduersum eos vindicta, quo Piscatores iā sapiant. Quod si nec sic aurem prēbēt, gradatim affligit grauius, donec assidua rota-

ti vertigine, incircuncisa mens eorum erubescat. Percutit non vt lædat, sed vt fanet; & quocunque ille modo allidit, dolenter, me hercle, magis quam inimice, facit. Nā ad vnicā lachrimā, flagro cēsis emplastrū imponit, & tormētum passos noxę eximit memor fœderis sui. Quod si miseri, subito remedium exitio inuenire vultis, nō tecti, non aquæ, non ignis interdictione, sed vitę commutatione faciendū est. Fugite pestilentia laborantes, antidotaque deuorate data, haud effugeritis malum; fortior Deus medico est. Pestilētiam immittit Deus, ob scelera prius admissa. An nihil putabitis, in diuina ultione valere Idololatriā, nihil murmurationem, nihil antea ctæ vitæ nostræ turpitudinē? Cur veluti pluribus vulneribus concisos; humi semianimes iacere video? Cur vox hæret præ pestilentia metu? Cur inquā est, quod genus morbi crudelissimi & maximi perhorrescitis? Num quia serpit hoc malum longius, quam credibile est; an alio genere morbi grauius, aut etiā acrius est? Et si cœli spatiū, Pestilentia, omni de parte venenet, cæterisque is morbus est intolerabilior, tanto peren non metuendum

dum persuadeo. Primum, quia a nobis ipsis veluti initijs, cœu primo fonte egrediens, in nostrum redundat caput. Deinde deprecatione statim a nostris ceruicibus repellimus. Siccine ergo trepidemus dum pestilentia pulsât fores? Nec vos ratio ducit, nec anteaactæ vitæ recordatio scelerum memores reddit, quæ Deus miserorū morte nunc piat? Præteritæ vitæ imago ante oculos recurrat, & illa quæ pestilentia habet pericula fortia animo suscipite. Nec vos alia, quā quæ ipsa discrimina habet, inutili atque abiectō timore addite, sed arbitremini pestilentiam omnemque talem morbum nullis alijs de causis a Deo immissum, quam vt debito supplicio, scelera admissa luamus. Huius rei quamplurima scripturo argumenta haud graue esset adferre, quæ passim ita copiose exstant, sed hoc instituti nostri non est, cum nemini non sit cognitum, flagitia, stupraque hominum, & adulteria, quauis pœna digna esse. Indignamur quidem si quis nostrum pestilētia interiit, atque etiam sæpe tum maximè exclamamus, ac si indignis simus accepti modis. Sed pestilentia, piacula ob commissa est

an non? Multum quæri decet, si eripitur
vita immerenti; si quidem semper credidi,
Deum meliora dare pio: At si pestilentia
nihil aliud, quam flagitiorum expiatio est,
tantopere imitem non perhorrescite, sed
vnumquemque fragilitatis suæ subeat re-
cordatio. Tunc enim tolerabilius malum
erit, ac tanta nos miseratione dignos esse
non censebimus, si antea actæ vitæ nostræ
turpitudinem, tantum mali, ad nos deue-
here apparebit. Nempe conscientia mentē
excitatam vexabit, quæ tanquam recitatrix
scelerum, abiectis atque conuictis nobis,
iniustam quærimoniæ esse causam persua-
debit. Næ si hic, Democritus & Heraclitus
essent, flendi & ridendi, abunde nacti es-
sent copiam. Ac me Hercule vix manife-
stum est, num hoc stultitiæ genus commi-
seratione magis an irrisione dignum iudi-
cem flent nō de vita impie antea acta, sed de
suo supplicio. Eiulatus illi & gemitus, non
ē scelerum poenitentia, sed sui ipsius amo-
re proficiscuntur. At si ad placandum Deū
principium inuenire volunt, non vbertate
lachrimarum prodiga, sed gestæ rei poeni-
tentia consequentur. Ingemiscere non nū-
quam

quam viro concessum est, idque raro, ait Cicero, eiulatus ne mulier quidem: hi vero sine nervis, ad quoslibet casus, immodice plorant, sonorosque ædunt planctus; quæ quidem egritudo animi, aduersante ratione fit. Etenim principem illam atque nobilissimam animi facultatem, siue hic morbus fortuito accidit, siue huius prouentum vitæ nostræ adiuvat turpitudine, impavidam ferit. Nam si fortè temerè hoc mali oritur, quid magis rationis proprium est, quam ut moderatè ferat, præsertim cum ad eiusdem inopinati mali causam, paucorum potest peruenire curiositas. Sin vero est, scelere pestilentiam acquiri, quare varij euentus morbi partimescendi videntur, hoc ipsum quoque leui terroris metusque vomere, rationis fauciabit virtutem. Scit enim nos, nostris multis peccatis, in hanc ærumnam incidisse, quapropter ad eam luem ferendam magis quam arcendam accurret, videlicet ut actionum nostrarum, ita etiam sedandorum affectuum, præcipuam causam & ducem rationem habemus; hæc non tantoperè pestilentiam, quantoperè peccatorum deformitatem, timendum esse dictabit, quæ illa impu-

impura lue, solet perlui. Enimvero ratio libidinibus inflammatum, & furentem cum inexplibili cupiditate, tum maximè in humilitate exercet, cum scelerum vindicta adest. Tum enim vitæ suæ turpis ponderās grauitatem, parem æquo animo suscipit cœlo demissam alto expiationem, tãtaque animi demissio mox beneficium censet, quascunque molestias. Sed cōmune omnium vitium, quod nimium sui amantes sunt mortales, adhæc in nobis est insatiabilis peccandi voluptas, quæ mentis aciem sensusque nostri radios, dulcedine quadã sua vincit, & decipit, ita fit vt parum sani, stabili formidine, mentē premamus. Quod si vero aspiceremus delictorum magnitudinem, tum etiam efficientiam cognosceremus, quod hæc pestilentiam efficiunt, toto cœlo diffusam. Proinde si quis ob scelera, Deum meditari humano generi pestilentiam videt, haud miror, si hunc pavor occupat; non quia iracunde cum eo, sed vehementer agit. At si quis tantum, quia pestis corpori nocet, malique ominis est, præsentem mox vel propinquam abhorrescit, eius stultus, inanis, & ridiculus metus

tus mihi esse videtur. Licet enim sit communi quadam lege naturæ, vt quod nociturum est refugiamus, attamen, ad impendens malum, quod imprudentes culpa effcimus nostra, cur nimis formidemus? Mea quidem sententia minus execrari debemus luem, quæ a nobis ipsis proficiscitur. Quæ in re est operæ pretium, virtutem maiorum recordari. Rideat quiuis inepte eos, tanquam rerum delectum minimè habentes, per me quidem licet & hoc impunè: At pluris mihi habetur illorum in considerando grauitas, quàm in iudicando posterorum temeritas, præsertim cum hac in re se produnt, quàm sint leues. Quid enim patres egisse putabitis, quoties pestilentia signa perceperunt? Num exclamasse? nū de noua clade cum Deo quæstos? Num anxie nimis vitæ suæ timuisse dicam? Ementiar in eos quos non odi. Erubescant merito, quibus noua tantum placent, antiqua displicent, quia ipsismet pulchrè sua placet inuentio. Hic cine patrum actus perspectissimus atque ornatissimus non est? Sinite me prius resumere aliquantulum animi, qui hanc contumeliam patribus tam insignem a posteris illatam

illatam, æquo animo accipere nō possum. Aiunt patres in perspicientia veri laborasse, vix possum quin hic exclamē, O Imitatores seruū pecus. Intellegitis mox ita perspicuam in ijs esse veritatē, vt eam infirmare nulle res possit. Sæpenumero constantiā eorum & moderationē animi cum expēdo, tum pro perfecta quadam ratione patienter omnia tulisse iudico. Quotusquisque nostrum est qui non pestilentiae morbum, magnū malum nuncupet, atque hæc omnium leuissima est detestatio. Ceterum ad huius contagia, quamplurimi magis quam ex Basilisco viso trepidant. Iracundi quibuscum ipsis est aliqua cōtrouersia, pestilentiam inpræcantur, non debilitatem, naufragia, bellum, famem, quia omnium terribilium hoc terribilissimū videtur. Ac ideo quoque magna cura fugiunt peste laborantes, parentes propinquos & affines deserunt, amicitiam, fœdus, hospites, sæpenumero etiam coniugij fidem, naturæ iura rumpentes. Crescente morbo, crescit simul in eis formido; nā cū serpere per urbē tantū malū, idque indies manare vidēt latius, extrema remedia attētant: alij Rutam

mane

mane delibant, alij deglutiūt Theriacā, alij aliud; quibus autē est certissimum consiliū domi, nuper inuento Ouo Philosophorū vtūtur. Satis bene cum ipsi geritur si alios interire videant. Nec prius in vita eorum, quos maximē defensos oportebat, clamores tantillum mouent, quam hic morbus punitor acerrimus, illos ipsos amicorum desertores percusserit. Nimis hercule pluribus ille morbus formidolosus est. vidi admodum formidantes, pestilētiā sibi consciuisse, item alium cum repente ad se esset allatum, vxorem grauidam pestilentia periclitari (qua per Deum immortalē nunquid homini cōtingit charius?) tanto opere nuntio consternatum fuisse, vt eius accessum reformidaret. O Immanitas in se atque adeo in suos desæuiēs. At periculosum est peste transfixis opem ferre. Immo auxilium denegare istis, præterquā inhumanum etiā impiū est. Etenim omnibus neruis cōtendendū atq; in hoc enitendū est, vt iugiter quouis malo laborantes, mutuo obsequio inuemus, præsertim quos vetat naturæ lex violare, vt parētes, propinquos, amicos ac imprimis quos nobis sociat iugale vīculū.

Intuenti

Intuenti toties hominū formidinem tantā, procedunt leniterque sonant clangore Cachinni. Nam frequens mortis recordatio est, quā pestilentiae contagiū sic adauget, vt neque pretio neque gratia impelli possint, metum in se meliori instituto temperent. Quanquam etiam mihi verisimile videtur, istos non tam pestilentiae malitiā, quam mortē quæ communis omnibus est deprecari. Nam si mortis diē non timerēt, cur de inclementia morbi adeo pauidi & meticulosi essent? Nisi etiā sint aliquot in hominum vita delicatuli, qui circa mortis genus, delectū aliquē norunt, quasi penes ipsos esset, quo morbi genere interire velint. Conuertendi ratione animi, & cōprimendus omnis talis impetus, imo delenda ex hominū moribus, inueterata ista barbaries. Quid enim hoc est aliud, quā nature, id est, Deo repugnare? Nullam ego res humanas despicere prouidentia reor, ait, ille Quintilianus, facundia nobilis Orator. Atque mehercle sic est, hæc omnia constare ex nutu Dei. Bona & mala, vita, & mors, apud Deū est. Quo ergo ruis o demens? Ne tantulū, tua cura, morbū tam in clementē effugas,

effugias, Licet Epeo timidior. Quod autē genus mortis horrescis, seuum, immitte, asperum, & durum, quā ratione auertis? Corporis ius proprii apud te non est, hoc seruato conditori. Qui vitam dedit, vitam ille adimat prout lubet, commodumque sit tibi quicquid faciat, nam ille hoc ius habet in suos. Mortē omnes æquē fugimus, omnes tamen morituri ad tempus perbreue, cur ergo ea consolatione sustentēris, quam tu tibi adhibes suauissima in sania? quasi vero esset corporis & animę aliqua dissolutio, quę se facilē præbet? Clamitabūt perisse pudorem cuncti pene patres si hæc audierint. Stultiores Morycho dicent, qui omissis rebus his, quę sunt intus, foris extra domum desident. Quid illi? Morbi malitiam verborum lenitate mitigauerunt? Imo pestilentię contagium, donum Dei appellauere, ratione eos ad hoc impellēte. Nobis autem pestilentia cælitus demissa, ob commissorum turpitudinem, vt cuncta exclamationibus miscemus? Donum quidem esse Dei dicimus, nam hoc donum esse Dei (vt id negare vereamur) pro ratione persuasit Antiquitas, at non perinde ac si donum a Deo

accepissemus, nobis contigisse gratulamur. Cur aliquo profugimus, nos perfundentes beneficio? quandoquidem non satis est estimare, quoties pestilentiam immitit Deus, parens melior ab hominibus ceu tristior nouerca habeatur. Tanti sunt multorum hominum de hac re inotus, interimque nullis non fraudibus facinoribusque vacare, tutum & gloriosum est. Cuiusmodi maxime sunt qui temporibus pestilentiae, seipsum heu mæsto animo contristunt; quibus ubi corporis sui obseruatione, valetudo est minus prospera, familiare esse affolet abiectè, timidè, ignauè, seruiliter, muliebriter, stulta quā plurima meditari. Memborum cruciatum vel minimum sentiūt, iam se pestilētia correptos autumāt: Quod si fortuito (vt in corpore humano fit per sæpe) exulcerationes proueniunt, ad instar pestilentia laborantium, tota mente atque omnibus artibus contremiscunt, adeo vt si fieri posset morbum pauore contrahi, in præsens discrimen venisse quiuis iudicaret. Quis non rideat istorum hominum vesaniā? Tales ego angina digniores habeo, ne quid mali impræcer, quæ sine funiculo fauces

ces angit & strangulat, aut Calculo carnifice, qui lentissimo cruciatu mortalibus urinā impedit, Aut mariscis potius, quas legimus diuina ultione, Philistæis accidisse. Nēpe vt stultissimum est, in luctu sibi capillum euellere, quasi Caluitio meror leuaretur: sic temporibus aduersis, nimis formidine agi, imbecillorū est. Robustus autē animus & excelsus, omni est liber cura & angore, quū & mortē ipsam, nedū pestilentia, contēnit. Quid iuuat te in sano corpore timidū esse, aut cur miser vis esse dū vires adhuc sunt integræ. Nam cū conseruatio stabilis iudicij esse debet, in ijs rebus quæ formidolosæ videntur, an non miserum tum est, homines mente animoque fluctuare? Quod si fauente numine, in te hoc malum correperit, cense rerum humanarum celerem esse commutationem, neque in nobis situm, vt res perpetuo secundæ sint, iuxta illud Euripideum ex Iphigenia Aulidenſi,

Non te scuit ad omnia Leta

Agamemnon Atreus:

Gaudere atque dolere, necesse est:

Mortalis enim es. Sin tu nolis,

Tamen eueniet, sic Dijs placitum.

Vtcunque Deo lubitum est, vel secunda
valetudine perfruimur, vel aduersa dole-
mus. Neque in nostro arbitrio est, vt quo
modo optamus, e vita excedamus, com-
modo an incommodo, repentino an diu-
tino, sed cuncta hæc in manu Dei sunt. Ille
arbiter, ille vitæ & mortis dator est. Fœlix
plane cui mētis suæ ea est cogitatio visque
consilij certæ rationi consentanea. Conce-
dant in medium hortamur, nullo non tem-
pore pestilētię periculum secum corde vo-
lūtantes, deposita tandem dementia com-
memorent, quid præ alijs hic morbus ferat
periculi? Ardemus sciscitari & querere
causas ignari tantarum stulticiarum. Sira-
pida pestilentia trahit in præcipitium mor-
tales, Si in discriminatim sternit maris &
fœminas, senes & inuenes, Si nudat suis in-
celis agros, amplumque mortalium genus
tum forte ruinam dederit, succurrat pul-
chrum esse præmeditatum mori. Stat ferri
acies striccta, parate vos neci. Fastigia ratio-
nis ascensu superate, videbitis quantoperè
conducat sic exercitos esse, & si prælia ten-
tabitis, amentes nolite arma capeßere, sed
ratio sit in armis. Ipsa parat animos vires-
que

que secundas sufficit. Sin vero aliquam in assumpto spem ponitus metu, e medijs pestilentiam veluti hostem penetralibus bacillo fugate, scilicet, vos ea ex ædibus pulsa sperabitis efferre posse pedem? Sic est profecto cum plurima ab ea clade passim sternuntur corpora, tum haud dubie mors atris circumuolat alis. Neque ille regnator cœlorum finit violentam & fulminis modo obuia quæque prosternentem pestilentiam, homines vlla ratione dissipare. Nam si vobis datum vt aduersus crudeles pestilentiae ictus, vos dextra defendatis, etiam hac defensa essent, per tot domos, perque tot limina, acerbitate pestilentiae interfecta corpora. Haud ita, nihil inuito Deo quemquam fidere decet, tanto minus quisquam metu vel pauore crudelia retroaget fata. Ego sua veneni pixidicula pestilentiam festinantem, non magis quam febres, statim temporis periodo accedentes & recedentes extimescam; hic tamen excipio pestilentiae contagia; præter hæc, vt mihi videtur, atque in vrbe fit pestilentia feruescente, similem pauorem inde fore demonstrauro. vt enim Carbunculus, tumor est præter

naturam, cum vehemēti partis inflammatione, ita febris vt Medici docent, maior quædam est intemperies calida totius corporis. Pestilentiam primum magno frigore perſentimus, & nos item febris fere frigere facit. Siue autē hominibus ſua iniuria eſt, atque cœli intemperie carbunculatur, non procul quoque poſitæ regiones crebris febribus ardēt, eas ſcilicet loci inſalubritate, aut cœli inclementia dante. Sic Zelandia inferioris Germaniæ prouincia, præ alijs duriſſime aeris in æna, febris domicilium eſſe dicitur. Quæadmodum Locris & Crotonæ peſtilentia nunquam fuiſſe laboratū, a Plinio annotatum eſt, quia terræ ſalubritas, a funeſta peſte, incolæ præſeruat. Nec eo magis peſtilentia formidini ſit, quod de humano genere interficiendo ſæpe noxa certare videtur, cum etiam arrabunda febris eademque ferox, aliquem locum peruagata, prope omnes capit, plurimofque æque ſternit; atque vtinam pari cum dolore & moleſtia. In quo quidem negotio longo intervallo peſtilentiam vincit. Nam qui Carnificinam hanc patiuntur, mille ferūt mortes, quippe ſe late diffundēs per artus,
poſt.

postquam proditiōe sua cepit locum, instar Carnificis cruciat, indies ægritudinem augeat, donec dilaniet præcordia, laceret animum, excarnificatumque conficiat. At pestilentiaë rictus atque mentum non tam atrox, graui quidem sopore virus hominibus immittit præsentaneū, sed discite omnes atque credite, nullo docente per vsum expertis, vincibilem esse si expergiscare. Hinc hodie tenet hominum opinio, pestilentiaë atque adeo moriendi periculo se eripuisse, quibus somnum vigilijs pellere contingit, eos vero emori necesse, qui se vinci a somno patiuntur. Narrabo huic loco non inconueniens, quod a Iohanne Reynerio Holorino, Socero meo cãdidissimo atque consulari viro, nuper Decimo quinto Calend. Octob. (heu nimis magno omnium suorũ Domesticorũ dolore, vita defuncto) accepi. Is non ita dudum antequam Deo vitam redderet, ex more, inter epulas, de hac re, pereleganter dicebat, in hunc fere modum. Pestilẽtia, certamẽ cum homine iniens, tanquam cum capitali aduersario depugnandum foret, excitat omnes rationes fortitudinis, adhuc quod viribus mi-

nus potest, dolo & astu studet perficere. Nā in hominem missa, ne ambigue certaret, primum vincendi spem ex eo concipit, si ex inopinato præcordia ferire valeat. Sed si animum quem in corde residere nonnulli antiquorum putauerunt, aduersantem atque repugnantem videt consilium capere, quo pacto potius impetentem se eiiciat, in somnem adoriri, atque ostentare missilia sua non audet, tāquam explorato, iam ferre & sustinere omnes suas vires posse. Deinde dolo res firmit suas, amica venit, palpat, scabit tandiu molliter caput, quādiu pruritus profundusq; somnus inuadit. Tū apte insilit, & nocitura veneno inficit. Nilominus cor hominis in pectore positū, semper vigilantē, neruoseque stat in acie, nocitura prospicit, acre, vehemens est, alternatim semper mouetur, pro incolumitate & salute corporis sibi concrediti, agit perpetuam excubationem. Nec custodem incorruptiorem, nec excubito rem inueniri corde vigilantio rem, & nō modo excubias & custodias, sed etiam laterum suorum oppositus polliceri narrabat. Mirificū fore spectaculum, si cernere liceret, vt luctatur
saepē

sæpe cum pestilentia animus. Exemplo didicisse tali animo reluctantem, sæpe in vnâ corporis partem procul a se pestilentiam reiecisse, nesciam qua erūperet, veluti contendentes lucta se inuicem complectētes, alter alterum in terram deijcit. Et cum hæc exponiebat, tum pusillanimitatem hominū accusabat, pestilentia vitium immodice formidantium. Sic est profecto, atque experientia nobis quoque sat cognitum est, sternere pestilentiam & sterni, quantumvis astuta & violenta eadem ipsa est. Nōne vitam fatebimur, quando hominis vitam petere volētem, animus robore suo, ad extremitates vsq; corporis, pellit? Nempe animi virtute, repulsum pestilentia vlcus, in parte aliqua corporis, sic adhæret, tāquam carni hirudo, donec tam excoctum atque atrum, quam carbo est, decidit? Egerrime, pestilentia fortes animo conficit, patientes autem aduersante ratione animi affectionem, miseros ex egritudine mors consequitur; nam parte non vigilant qua necesse est, infidi suimet custodes, sed cōsternationis grauitate omnes animi vires sopiunt, sopitas pestilētia obtruncat. Cur de
pestilen-

pestilentia periculo horret animus recordari, cum grauissimorum morborum vltra ipsam pestilentiam, carnificina sæuit? Ad hanc non obstupescitis quia vos forte non exagitat. Sed curest Aphritis pestilentia tristior? Cur Calculo crudelior? cureius consanguinea Dysenteria nocentior? Pestem modo execramini, quid præ ceteris cõmeruit, vt hanc magis damnetis? An hæc sola volueris, quærendo mortales inuestigat, inuestigatos tranfigit, transfixos necat? An non vt qui grauissimo sæpe morbo laborant, consumptis malorum principijs, ad pristinam sanitatẽ redeunt, ita huius morbi cruciatum ferentes, post multa vitæ suæ pericula, superato morbo, sæpenumero valetudinis prioris alacritatem admirantur? Iam quid refert, pestilens contagium detestari quod nulla arte euites? Quid proderit stultus dolor quem Deus culpat, & quo tibi ipsi male caues? cum quod Deus fert, a quouis ferendum est æquo animo. Tibi inquam cur vita arida atque horrida cordi erit? Non inficior illos paulo cordatiores, qui se confidunt sola constantia perferendi, pestilentia contagia posse superare

rare

rare. Sic auræ illo sæculo natis propria
quadam ratione sententia stabat, quo-
rum corpora pestilentia si petebat, hoc ip-
sum non solum animose, & fortiter, sed
considerate etiam, sapienterque perfere-
bant. Siquidem animum supra periculi
metum agebant, summæ legi parentes si-
ne timore. Atque hæc quidem fortitudo,
non è temeritate aliqua, sed rerum perfe-
rendarum scientia promanabat, quare tē-
poribus aduersis egregiam animi affectio-
nem in patiando induebant. Imo virtute
præstabant tantum, vt eiusdem singulari-
tate, pestilentix immanitatem superantes,
pro inusitato beneficio, hoc malum, susce-
perint. Siccitate, quoties plurimum labo-
rabant, aut Eruca, aut grandine, aut depas-
cente locusta, suis fundi calamitates nomi-
nabant, hanc autem ærumnam de volun-
tate & ira coelestium egredientem, tanquã
donum a Deo se consecutos gloriabãtur.
Quo potius vocabulo hac in re vti debuif-
se iudicem, præmio an dono? præsertim cū
præmium etiam in deteriore partem ac-
cipitur. Sane haud exiguum humilitatis ar-
gumentum vocabulum præmium esset, si
eo vti

eo uti maluissent; Sed quid tam secundum pietatem est, quam homines Deum iusto cultu proficere? Etenim cum teste Cicero-
ne, pro domo sua, nulla est erga Deos pie-
tas, nisi honesta de numine eorum ac men-
te opinio, cum expetinihil ab ijs, quod sit iniustum arbitrare, quid non æqua pietate erga Deum præcellent, qui fide id tenent, Deum infligere nullam plagam iniuste ceu præter meritum? Sæpenumero multi, leui in periculo libenter sapiunt, ingruente ve-
ro maiore pro viribus, murmurāt, illacru-
mant, obganniunt, conqueruntur. At in grauißima tentatione perseverantiæ suæ constantes permanere, an non pietas est? Magnanimitas si insit animis nostris, cum magna fiducia viuemus intrepidi & ala-
cres, quo magis admiror in huius æui no-
stri hominibus, dum ijsdem præceptis im-
buti, instructi vna eademque lege, studijs se proborum dissimillimos ostentant. Quo-
rum tametsi numerosus exercitus, spernē-
dus tamen est, quoniam ratione Duce non regitur, sed errore deterrimo tantum teme-
re & impudenter passim offendit. Qui (si quando contra se pestilentia aciem struēs
valen-

valentior incubuerit) territus atque animo consternatus discedit, maxime podagro-
sustum, accochlæas vincenstarditate. At-
qui plerisq; in rebus segnicies omnis odio-
sa est, quam ob rem cursu corrigendum hoc
est, cum equis tum velis, vt quoties res belli
manum poscit, dux copias suas in arcem
contrahat, ac de super rideat, cuniculis stā-
tia mœnia subruentes, securus tam furiose
tumultuantium. Cauere debemus ne in per-
turbationem prius incidamus, quam ratio
animos nostros componat. Quisquis cer-
tamini paratior, ad arma profilit audacter,
instat non segnius, ac fulmineum manu
versat ensẽ, non solum sapiens, sed etiam
ciuis e Rep. maximè, tuendæque ciuitatis
promptissimus habendus est. Ita quisquis
boni viri nomẽ mereri studet, adiecto vir-
tutis elogio, pestilentie minas turpiter non
formidabit, quin potius humanæ mentis
imbecillitatem, sub pedibus ratione viua-
cissima, veluti hostem aget superbum, hoc
est, vbi quam plures morbi rabies perculsit,
in animo suo excolendo haud indormiet
diu, nec sperare leuiter, nec extimescere
vult. Nam quisquis ob rem dubiam & in-
certam

certam trepidus pauet vel optat, ille regia via graditur minime, perque deuiaperque repreculars errans rete incurrit expasum. An vero metu abituram pestilentiam arbitramini, & vobis gratus est status valetudinis præsens? Non ita est, quid enim pestilentia aliud est, quam futuræ cladis iudicium, valetudo autem bona haud perpetua est, & cum te reliquerit allatura dolorem. Sed vtv't est, rerum finem prudentia taxat, nec formidandos tantopere sæuissimæ pestilentia aculeos, nec ex optandas eadem facit esse bonæ valetudinis diuitias. Scilicet vt pestilentia, ita re aliqua nobis grauissima imminente, periculum non subterfugimus metu, cum metus non possit impedire fatum, quin ægritudinem, pestilentiam, bellum, famem, resque consimiles operetur. E diuerso cui securus est animus, quia otiosus, metu & sollicitudine vacuus, adhuc bona valetudine, ob hoc ipsum, grassantis mali virus nō declinauerit. Etenim non prius quis superat periculum, quam procul recesserit, nec prudentis est dicere, è pugna incolumem se reuersurum, quam ante paratā de hostibus victoriā.

Sæpe-

Sepe numero signo receptui dato, egre fortissimus miles ac cede est tutatus. Quæ si erunt excutienda diligentius, ad vitandam pestilentiam dicemus, nihil conducibilius patientia. Nam si iubeo inter spem, & metum, procedere media via, aliqua adhuc vexatio animum distrahet, quæ forte è metu vel spe etiam quanta fingi potest leui, longa mentis agitatione in immensum excrefcens, miserum in summam calamitatem detrudat. Etenim homo suapte, natura nihil moderabile agit, ac difficulter in omnibus rebus seruat ordinem & modum, vnde verendū sit, ne spes illa expectatioque boni, impendentis opinione maliturbetur, metus autem conseruandę salutis diffidentia, in ægritudinem degeneret. Sed sagittis exarmaueritis pestilentiam, si stabiles vestrique iuris permanferitis, ac clypei loco habeatis animi constātiā. Est omnio virorum fortiū, quales omnes esse debemus, animi firmitudine præstare tantum, vt possimus pestilentię culpam non extimescere. Nam cum in vitanda peste censemus fortē aut casum dominari, nostraque ibidem nihil valeat cū cura, tum ratio & opera, quid
magis

magis rationi est consentaneum, quam vt quis appropinquantem ad se excipiat, retrocedentem vero pestilentiam, vltius ratione abigat? Alio qui nōne timore nimio tuam sortem exacerbabis, quam permutare non potes? Quando quidem morienditua fors est, vt facilius intelligamus, quid refert multo ante præsentire futura, vel longe ante mortis punctum se cogitatione irrequieta noctesque diesque maccare? At si iactato talo, vt est in prouerbio, bene cesserit alea, nonne permaximus in semetipsum est vindex, qui assiduè vana moriendi formidine mentē detinet? Enimvero quod si prudentis est res suo fine metiri, tum quid hoc est, quod vitam nostrā a pestilentia depræcemur, siue eandē contemnēdo nobismetipsis insidiamur? Propterea plenum spei bonæ, grassante pestilentia, volo esse neminem, quia spes rata non est, animi autē imbecillitas & desperatio procul abesse debet. Nam si prouideri nihil potest futurū esse eorum quæ casu fiunt, quia esse certa non possunt, spes ridicula. Iam si pestilētia certa est, vt hic, quam obrē insolentia rei, merito se quamplurimi moueri

ueri dicent, metusrediculus, quia necessitasincumbit moriendi. Sed cur quæso pestilentiam præ morte fugiamus? Num pestilentia ipsa mors est? Imo mors pestilentia mortales ferit, dum ea qua quauersuseorūdem animos sauciat, ac inficit corpora. Quod si tantopere mortis recordatio torquet, cur dum venerit adeo simus supini & inermes? Moriendū esse semel cuique constat, sed ad hoc ita expallescimus ac si nunquam futurum esset. Si mortem contemnitisanimoque fiditis, eius horam longius abesse, quasi in aliquo opportuno esset diuersorio, quid cum in modū præmissa perterrefaciūt iacula, mortem prius denunciandia? Et si eadem, vim mortis habent, quid adferant incommodi aliud, nisi quod ab omnibus ferendum? Si quidem a morte comprehendī nolitis, male de miror gratias agere denudanti mortis insidias? Nam pestilentia ubi grassari occæpit, haud simul omnes suo tingit veneno, sed vno atque altero imbuto cæteros mortis memores facit. Agite relegata vobis pestilentia aliquo videatur; vel Craftina vitæ vestræ adiecta potestis dicere? An tum quoque eritis sine
D vitæ

vitæ periculo , minusque de vobis agetur? Cur hic æque non pauent animi? Hic cine somniandi tempus differtis in annum? A somno surgite , iam iam vobis lucta cum morte erit. Quid altum dormitis? Accelerantem non conspicitis? Pharetra & falce crepantem audio. Quid isthuc? vos cum in extremo vitæ discrimine animo securi, lectulo ita adpositi estis , ac si cum mortē inducias pepigissetis, pestilētiā nec mortem ipsam , nec vires mortis habentē , nisi ab ea mutuauerit, sed amicam duręque necessitatis cōmonētem execrabimini? Tum anxios spiritus ducetis? Miserando clamore vociferabimini? Vobis cum Deus mortem minatur, an tum occidere videtur? Nihilominus concedamus pestilētiā, venis viscerum veneno imbutis tetrōs cruciatus ciere, vipereamque inspirare animam, qua itur in mortem; ea propter erimus animo infracto, humili, demisso, & abiecto? Alter ab alterius funere mæstus non est, & vos illæsi atque incolumes , in publicum prodibitis mæsti? Quid refert quātam vides stragem , & quem virum demittit Orco computare? Necatorum vbi completus est numerus

merus vos statim manet alia mors. Alia magis quam hac perire desiderabitis? Indignum dictu, atque etiam tum fortasse cum vitæ stamina fata abrumpent, tantus ingruet terror, ut cum ceteris præmortuos esse optabitis. Quanquā quid interest utrū super aliquem vigiliarium mons an turris ruat? Quid inquam refert, hoc non at illo modo peream? In necis electu vestra nunquā futura est optio. Nec videre licet causam, quam ob rem vos pestilentia magis quam quouis morbo aliū ad metum incitat, ut enim corporibus vno aliquo morbo vitiat, eorundem tamen dispar accidit dissolutio; cum aliud vehementer, aliud molli-ter videmus agi, sic pestilentia laborantes, vnum vitæ finem haud fortiuntur, alij extremo cruciatu torquētur, alij somno quo nihil mollius est, e vita hinc migrant. Iam quia conficiendi celeritate superat, ob hoc ipsum fortasse, deligenda a multis videbitur, videlicet quibus optimum est aut nunquam laborare, aut quam citissime interire.

Restat magna & memorabilis consolatio, si vnde serpens hic morbus principia sua ducat, inuestigabimus. Tum enim ni-

mis affectus cōtrahetis, si cuiusdē causam vobis aperiā. Et huius quidem facilis est inuētio, Si periculum effugere vultis, virtutis quicquid gestatis in sinu apponite, at hæc eadem vereor non calumniabitur. Medicorum est ratio, pestilentiam ab aëris infectione proficisci, neque hoc inepte iidem tradunt. Ego autem censeo, quoties peruagante peste Coloniarum agros infinitorū hominum accidit interitus, toties omniū rerum opifici Deo, nostra opera inuisa esse atque ingrata, qui vt sceleris nos commonefaciat nostri, inaudita flagita hoc modo peruertit. Atque hæc quidem præ ceteris longe est verissima ratio. Illa vero cur eueniat, quis magis probabiliter dixerit? Animaduertite ordinem seriemue causarum, simulque antiqua percurrите sæcula, rem sic esse non ex abstrusis scripturarum locis inueniemus. Ergo tibi causa tanti mali existens o homo, quid timor loco mentē mouet? Tum, cum maxime prudentem esse decet, corda pavor pulsabit? Sic pueri in tenebris pauitant, finguntque futura. Satis iam pronus terram spectasti. Rapidissimæ auaritiæ tandem sit modus, intensos libidinis

dinis arcus presentis morbi grauitas emolliat, ira immoderata flaccescat, Inuidia pallida merito relegata procul aliquo absit, cesset dolus, fraudetctina. Cito voluptatū periturarum ne ducant te amplius deliciæ. Iam animo recale quam turpe est diffluere luxurea, si non exebrio percepisti, tandem ex sobrie disce, Tibi quidem vnicum temporis momētum immortalitatis instar erit? Vita hominū breuis, res fugacissima, vmbre somnium. Erectos tolle ad sydera vultus, castigatio ista plurimum adferre emolumentum apparebit. Enimuero nemini aliter existimandum, quam pestilētiā istā insidiatricem humanæ vitæ, pro peccato magno accidere, haud tali consilio, vt vna ultio diuina omnes perdat, sed hominum animos cura aliqua de prouidentia tangat, quo bonis operibus soluti, amplius in vtrāque aurem ociosi non dormiant. Quæret aliquis. Si Deus homines pro dictis & factis atrocibus, scelestis, nefarijs vlcisci volet, num alio quam isto erit potis modo hoc efficere? Quid ni, Multa flagella peccatorū, tum etiam magna potentia Dei est, qui si volet, antequā rite conceperit, totā ma-

chinā cœli, deorsum versus, minimis momentis inclinet, nedum Deo factū difficile esset, rupto Acheronte vastis voraginibus viuos immergere. Sed misericordia Dei ipsa solet occurrere miseris aliqua velleuissima vel nulla etiam oratione euocata. Ideoque si nihil de donis D. Opt. Max. plurimis nec gratius nec admirabilius misericordia est, vobis iam sœuire an succurrere videtur? nam quid hoc est quod perditissimis pro inenarrabili bonitate parcit Deus, parcit autem dum pœna leuior culpa est. Quænam flagitiosissimis apud inferos supplicia inferuntur, & huius temporis sceleribus non condigna erunt? Et nostrum aliquis male sanus æstuatione sua, relicta omnis rationis vi tanquam venena aut mortē eructantem pestilentiam execrabitur? Hoc munus Dei est quo suum genus ditat, vos veromaleficiū existimetis? An parum videtur, si miserāter Labentes punit? Quod si a Deo constitutum est, vt hominum peccata iustis vlci scatur modis, nec morte ipsa nec quouis supplicij genere, quantumlibet diro, tantum opprobrium, tantumque scelus persolvere valebimus. Quid enim

Idolo.

Idololatria, cedes, rapina, fornicatio, adulterium, viduarum & pauperum oppressio, Orphanorum, contemptus, cum violētia, tum iuris & æquitatis violatio, cæteraque huiusmodi præmium an poenam merentur? At Deus debitis contra nos non procedit modis, præsertim cum nihil horum quin sit morte dignum, sed erga humanū genus inaudito amore flagrans, vulnus inuito infligit, quod ipsum homines in sacrā viam nec trahere potest nec ducere. Nempe pestilentia territi atque animis consternati quidem, quia ob hoc magis humanū genus obstupescit, quod se magno, tum periculo expositum videt, sed sceleris insignisque admissi facinoris nequicquam poenitet. Magna sane illa clementia & mansuetudo Dei nostri, qui cum pro peccatorū grauitate nos inclementer accipere posset, comitate retinetur. Antemere in odiū nostri concitabitur, si tantam inhumanitatem in hominibus spectabit? Etsi placidus est circa delinquētes, tamen interdum solet subirasce. Quid igitur dicam, crudeles nos dare poenas? vestrū nemo est quin intelligat, D. Opt. Max. diuina clementia

vsque adeo excellere, vt is facilitate infimis
par esse videatur. Eo vsque omnibus indul-
get, quousque præcipites non ferantur. Tū
enim sui memor generis, scilicet cum se
recordantem humanæ fragilitatis misera-
tio subit, ad correctionem & emendatio-
nem vitæ veteris, non præcipuas petit pœ-
nas, sed leues & mediocres infert, quæ di-
ligentiæ, sobrietatis, iustitiæ magistræ sint.
Vt enim sæpenter latratu volutabris
pelluntur, syluestribus apri, sic ille easdem
opponit labi nostræ, quo sic turbatos nos
in casses suos agat. Illa vero maxima est
miseria, quando mortales expectatio mor-
tis exagitat vndique impēdens. Nemo tam
imperitus est, vt nesciat sibi quandoq; mo-
riendū, & cum tergiuersabitur, se terga da-
re morti insequenti. Exiguū nobis vitæ
curriculum natura circumscripsit, quod si
præcando, vt protraham a Deo impetrem,
quousque extendam? In quantum velis, se-
ram differ mortem, ratum atque fixum, id
est, magna & æterna necessitate duceris, eo
ibis, quo omnia eunt.

*Tendimus huc omnes metam properamus
ad vnā,*

Omnia

Omnia sub leges mors vocat atra suas.

Ait Poeta

Series sæua ac indefessa nec arte nec ope
vlla flexibilis, cur varilæthi falces patitur,
ita illigatos sibi vna mors omnes trahit.
Tu autem demens persuasum habebis, te
non aliquando ad id peruenturum, ad quod
perpetuum properas? Medius si quid futu-
rum scire vis, tantus tamque numerosus
vita antete defunctorum, eorumque quos
post te mors iugulabit, exercitus animo
occurrat, expressa documenta videbis. Nē-
pe vbi pater, vbi mater, vbi inquam maio-
res omnes, nonne vbi omnes quoque post
te erunt? Dum timetis ne a morte iugule-
mini, nolite vosipsum iugulare, ne mortem
morte deuitare videamini: Non affligitur
sapiēs sollicitudine futurorum, nec luctu,
nec desiderio, torquetur. Quid enim hoc
aliud esset, quam lēritudine exitus, sibimet
grauēs cruciatus adferre? Nam cum rei ali-
cuius iniuriam expauescimus, eo quod au-
guramur nos manere, ac si iam in ceruices
incidisset, ita vrgemur: Etenim paruulum
differre, patiaris aduersa, an expectes, scri-
bit Plinius. Vt enim in corporibus huma-
nis

nis certi venientis morbi certa signa præcurrunt, Sic infirmus animus multo antequam cum vlla infœcilitas atterit, præsumit tamen illam & ante tempus cadit. Plena hæc omnia sunt futilitatis. Quid enim leuius, ait ille Seneca, plenus fidei atq; doctrinæ, quam angî futuris, nec se tormento referuare, sed accersere sibi miseras, & ad-mouere, quas optuniū est differre, si discutere non possis. Indigna res quidem audita vel cognita pestilentia, mirus quidam tum paûor soleat hominum animos incescere. Non quia mouet quicquam proximi fortuna, sed vitę proprię timeant. Vtrum oculi mihi cœcutiunt, an ipsos cœcos reddit diutissime viuendi cupiditas? Quandoquidem mihi non persuadeo eos communi hominum periculo duci, sed de vitæ suæ discrimine, haud falsum est, quod multa & vana cogitant. Ac si Orbi omnium fortunarum suarum illis pereuntibus, ruinæ impenderent. O cœca, O stulta mens? Itane præclare vobiscum agetur, si soli incolumes & superstites eritis? Nihil vos lamenta proximi, nihil dolores, nihil ex imo pectore misere prostrati, ducta suspiria mouebunt?

nebunt? An infinitorum atque plurimorum alicui potior est sua salus? Atqui ego officium boni viri nedum Christiani esse ducō, diffidentes vitæ suæ confirmare, afflictos erigere, perditosq; recreare, ac tum ne cogitare quidem de morte, quādo charitas mutua humanitatis officia postulat. Possem persequi per multa delectamētarum humanarum, sed quis tam durus qui non hac eadem, tanta quanta sint, cōtemnat, si ille solus valetudine integer, vitæ autem suæ socios vniuersos, tanta durties, tantus labor, denique tantum exercet periculum? Dicite nonne inanum est capite truncos de sectionibus esse sollicitos? & vos præcipua hominis parte amissa, de infimis cogitatis? Neq; affinium neque cognatorum naturæ vinculo arctissimorum, valetudo aduersatantillum vos flectet, vt pestilentia laborantibus opē aliquam feratis? Hoc cinea aliud est quam anima perdita vitali, magnas de misero corpore concipere sollicitudines? vos absque vilo amicorum iucundo vsu, sodaliumque collegio honesto, in hac vita esse volētis, præsertim cum huic insit spiritus vitaliter
vegetus

vegetus & alens omnia? Nempe nihil morantes istas dotes, solos in hoc mundo vivere vos posse putatis? Nihil ego contulerim iocundo sanus amico scripsit Horat. Itē Euripides apud Plutarchum, Dulce est tueri hominis amici lumina. At mihi tolerabilius videtur mori, quam sine amicis vivere. Neque errant qui amicitia humanam vitam constare arbitrantur, qua, præcipua voluptatis & usus commoda assequimur. Quemadmodum enim citra ignē & aquam, non existit hominū vita, ita nec sine consuetudine & opera familiarium. Et ut nihil est iocundius igni neque utilius aqua, ita nec amicitia quicquam iocundius & utilius. Non delusos a me arbitremini dum hæc expono. Omnes per sæpe in hac vita aliorum cōsilio & prudentia opus habemus, præsertim nobis qui viuamus domi non est, sed hæc omnia ex communi rerum fortuna dependent. Enimvero quomodo alicui vita hæc suauius esset, quæ sua perfectione minime constat, scilicet inter tanta rerum pericula & discrimina, nec tutoribus nec amicorum præsidio tuetur? videlicet hominum vita obscura habēda est quæ

quæ non vsum habet amicitia. Amico, socio, affine spoliato, immatura mors nō potest accidere. Nam vitę potiore parte amissa quis de reliquo multum curabit? Prius mihi vita carere volupe esset, quam contubernio amicorum destitutus horam degere. Magna vitæ meæ pars amici, quibus a pestilētia disperditis, omnis ætas esset odiosa, nedum pestilentia quamplurimos in vrbe petens, magnopere tum pertimescēda sit. Ac ideo quoque vt quilibet visitet suadeo, affines, cognatos, amicos, familiares, & imprimis huiusmodi, quos mutua fides iureiurando strinxit, cum eos ardere videbit pestilentia doloribus, quanticunque erunt. Et quanquam periculum est, ne illi aliquid mali affricent, spernendum tamen hoc est, propterea quod grauissimum est homini, sine familiaribus ac necessarijs viuere, adeo vt si quis insaniret satis sua sponte & detrectaret, instigari ad hoc deberet. Nam quid malum moror, vitā omni amænitate orbatam? Talis vita mors ipsa est, facessant qui in isto tam iniusto & frigido metu delitescunt, quasi vero metu quodammodo suam a pestilentia conseruare

uare homines vitam valeant, Iustus, ex ante actæ vitæ turpitudine, metus conceptus nascitur si spurcam vitiosam, immanem viuendi cōsuetudinem, tanti mali esse causam existimemus: at pereuntibus fere vitæ socijs vniuersis, eorundem sorte ne quicquam distrahi, inque summo & communi omnium discrimine, nullam aliorum curam habentes, ad instar Aristippi, pro sua tantum anima timere, hominū quid dicam esse, improborum, animi initium? In omnibus rebus videndum est quatenus. Nam præscribit ratio in homine, sicuti aliarum rerum omnium, etiam timendi modum, id est mensuram quādam & moderationem. Et si pro natura cuiusque ex tempore, aliqua de causa animi fit commutatio, tamen magis offendit grauior, quam leuis. Studiose semper cauenda est præceptis animi perturbatio, & cum pestilētia immanitate sua ciuitatem depopulatur, toruitate quadam naturæ dura, & inflexibili constantia præditos esse decet. hoc enim a pestilentia salubritates corporis dicunt conseruare. Egregie quidem patres studuere, vt in pestilentia vastitate, modum quendam timoris

moris adhibentes, & ordinem, pietatem,
& firmum animum conseruarent. Ne-
quetāquam cautes immobiles, sic illi tan-
ta animi tranquillitate, nullis affectuum
motibus erant obnoxij, sed in summa, il-
la apathia, ratione constabat. Nam cum
se pestilentiaē expositos, insequi a morte
videbant, eadem impendente sic declina-
uerunt, vt spe reliquæ tranquillitatis, præ-
sens morbi genus, graue & internecinum,
prudenti ac sagaci consilio superauerint.
Primum abstinendi continendique rati-
onibus dicuntur, & a voluptatum labe ca-
uisse, & integras & illesas corporis vires
retinuisse. Sic traditum est magnum illum
Socratem, in illius pestilentiaē crudelitate,
quæ in bello Peloponnesiaco imprimis
ipsam Atheniensium ciuitatem perdidit,
temperantia, vitæ suæ tempora, a valetu-
dine inoffensa, vixisse. Deinde quod ad
cuitandum lucem plurimum conducere vi-
debatur, nullum sibi ad vehementer exti-
mescendū tempus seponebant. Nam quo-
ies miseris cladem impēdere animaduer-
ebant, sæpe secum retractantes, quā turpi
esidia, deserta exoleuerat disciplina pie-
tatis,

tatis, a numine se premissi intelligebant. Porro hostilia pestilentiae non ad modum curabant, quæ statim credebant propulsari, cum se ad emendatam vitæ & officij regulam cõtulissent, videlicet, haud displicebat pietatis præsidio a capite periculum depellere. Talibus solebāt isti medicaminibus fatale pestilentiae malum suppressere, Tum unusquisque certatim virtutis vestigia sequens, ætatis suæ errata, fructu aliquo sarcire studebat, neque solum animi eorum a factis suis, sed aures quoque a commemoratione abhorrebāt. Quod si autem a præscripto officij sui recessissent, hoc temporis magnum studium capiebant, conseruandi diuina præcepta, cum omni modestia. Enimvero indole nondum ita peruersa, quam nunc sunt homines, sed integra, constante, syn-ceraque animi virtute præditos, adhuc fide illa nimium perfectos, credibile est optuma hæc arma sumpsisse. Quocirca antea in orationibus remissi tum acres, in ieiunio negligentes tum diligentes, in elemosynis elargiendis parci tum multum liberales. Charitatis officia sedulo reparabant, nam omnes post habebant sibi res, vt par-

fuit,

fuit, postquam tantopere id Deum velle
animum aduertebant. Ita pestilentia ma-
lum minitans istis terrorem incussit, non
vt inaniter mortis diem extimescerēt, sed
quod nunc hominis ingenium & potestas
essenon videtur, vitam tum renouarent, ac
mentem in se, duræ mortis memorem effi-
cerent. Hoc consilium erat antiquorum.
Quis nunc insultabit vehemētius, aut vo-
litabit in hoc insolentius, aut bonos am-
plius calumniabitur? vobis stulti fuisse vi-
deantur virtutis sequaces, nihil vos morā-
tur. Satis est ipsis bene vixisse. Virtute rati-
onis constantis conuenientisque euenit,
vt animi robore tantum superarent peri-
culum. Porro si docere voluero quo pacto
se gerere sunt soliti, sapientibus potius quā
algiis, annumerandos dicetis. Qui dum is
morbus ferueret, abiecto procul omni hu-
mano cōsilio, religionis & pietatis præsi-
dijs audaciter contraibant, de corpore non
tam, quam de animo solliciti. Et cum pe-
stilentiam intuerentur stupentes, continuo
se recipiebant & ad se redibant, iugem pa-
trati sceleris recordationem, domestico
illo teste suggerente. Hoc præcipuum ipsis

erat fulcimentum. De hinc diuinę bonitati
fidentes, haud proprijs innixi viribus, de-
precando, illacrumando, exclamando, ve-
niam ac salutem sperabant, nihil omitten-
tes quod supplices animos testaretur. In
solum Deum oculos intendere neglectis
cæteris, miseratione erga alios duci, chari-
tatis radijs illustres esse exposcebāt. Restin-
guentes omnem iniuriam atque adeo affe-
ctum, quem nec tempestas perimat, nec vl-
la clades hodie interimat. Nōne in his tan-
quam sacrario fuerit signum virtutis? Nā
si de his loquar, aduersis rebus mersis pesti-
lentiæ intolerantiores fuisse, effecit hoc cō-
miseratio ex alterius ægritudine proueni-
ens, qua si subuenire potuissent, inuenisses
paratissimos. Pro opibus suis satis apte,
opportune, conuenienter, pecunia atque
omni alia bona operatione infimis quis-
que suppeditabat, de auro ne curantes qui-
dem, quod antea summa cum diligentia
quæsitum, cumulauerant. Scilicet, tum
charitate pura tempus redimentes, quod
male antea collocarant. Memini cum ad
huiusmodi res nostra descendisset oratio,
charissimos parentes nobis narrare solitos,
homines

homines olim tanto charitatis ardore flagrasse, vt cum hic morbus increbuisse, nō prius indulcem declinarent lumina somnum, quam de vicinorum amicorumque valetudine intellexissent: Rursus domo mane egredientes, qua tum essent incolumitate, ante alia omnia, verbis a domesticis inquirere consuetos. Plane diuerso quā hodie fit instituto. Denum ita firmis animo ordinibus composito, quantum homini permissum est, ad ea quæ ingenium humanum repperit remedia se parabant, in vtrunque aut mori, aut viuere, parati. At nunc prius quę corpori sunt bona quęruntur, sæpenumero vel animę cum dispēdio. Adeo, proh dolor, euāgelium cunctorum animos obrepfit, rationis dicto ita audientes, vt equus indomitus calcitrans præter solitum. Qui si in tanto vitæ discrimine, firma animi tranquillitate frui mallent, ad regulam se darent patrum, longe emendatissimam. Metu quod frustra euitare conātur, summissi atque humiles, assidua oratione, declinarent periculum. Illa euadendi ratio certa est, tum petentibus in fide nihil denegat Deus. Memorabile hic occurrat

E ij animis

animis vestris exemplar, Dauid ille cuius de hac re in libris Regum fit mentio, per tri-
dum pestilentia sæuiente, ac septingentis
virorum milibus interemptis, exclamauit,
ego sum qui peccaui, ego egi inique, verta-
tur obsecro manus tua contra me & con-
tra domum patris mei. Ad huius voces sta-
tim cessabat pestilentia, populum prius
sternens. Quod si omnibus suppetit tam
expeditum consilium, an non hoc inquam
inique faciunt, qui Dei Opt. Max. ultro
commiserantis spernunt affectum?

Videtis tandē rei veritatē & cognoscitis
causam. Pro abrotano ambrosia datur. Va-
leant illæ inquietudines animi, valeāt tam
graues mentis euiscerationes. Inutilis pa-
uor non pellit pestilentie contagia. Non sit
vobis neglectus pater, non mater, non fra-
ter, non soror, cognatorum nemo, nemo
familiarium, quos vera amicitia copulauit.
Naturæ iura persoluite. Quibus debetis
præstare officium. Scitis homines homi-
num causa esse generatos, infirmos opus
habere medico atque etiam auxiliatore.
Commiseratio vos tangat, huic adsit hu-
manitas, quæ quam late patet intelligitis.

Metuen-

Metuentis nimium misera conditio , præsertim hac in re tantillum non confert, quin potius percelebre tanti Ducis institutum sequimini , a vindicta ceruices proximi oratione liberate, cuius vos authores estis ; Ita consecuturi admissorum veniam eritis animique vestri summam tranquillitatem.

FINIS.

W

*Gratis decet.*

Author Cicero lib. i. officiorum.

Peregrini atque incolæ officium est, nihil præter suum negotium agere, nihil de alieno inquirere; minimeque in aliena Repub. esse curiosum.